

常昭合志稿卷第十六

寺觀志

敘曰吾邑建縣始梁大同間桑門之教鼎盛上有捨身之主下多奉佛之民又經歷代增飾其崇麗宜矣而嗣真人張道裕亦適於天監初建招真治簡文帝親撰碑賜牒以提唱之故黃冠足與緇流並峙夫二氏之於世教何如姑勿論論湖山之奇秀固亦不可無梵宇丹臺點綴其間也舊志所載備矣顧城鄉遠近既不悉以區別時代先後又不盡以年次觀者有時嘗焉今稍稍釐而序之有碑記者亦錄而注焉為寺觀志

常昭合志稿

卷十六

寺觀志

一

慧日寺在縣治西稍北梁天監間僧惠衢開創舊名壽聖又名

晏安宋大中祥符元年勅為慧日禪院

吳地記後集云本常平禪院

紹興

十五年燬自乾道淳熙

嘉泰年樊璟捨川度僧有石刻見金石志

以至嘉定始復

舊觀知縣事龍泉張珽撰記

記文畧曰梁僧慧衢造大寺三在淮南曰慧照在崑山曰慧聚

在常熟曰慧日環常熟之境他佛廬無慮數十所或背岡巒而深穩或面江湖而舒曠其得勝概固宜獨慧日在縣西稍北九十步臺殿屹立檜柏總翠當閭闔中乃有山依瀟灑意鐘磬魚鼓之音時徹縣齋為合者藉以少清胸次為不易得也院從昔名重甲諸刹旃檀林率曠二千指非但為展鉢計頗知用勉參請或在定累日無少懈怠以故主席者必當世龍象然後其徒心悅而誠服嘉定丙子夏五比丘子幸以少師樞使大丞相魯公之命來住茲七始至之日早蟬積通舍宇就弊緇袍稍稍雲散幸與佛為謀凡所得旆利悉以助修設毫髮無私焉居無何瓶中之塵銷而戶外之履滿矣於是首興造事聞者響答富室至捐百金其饗人子亦分錫刀若法堂若庫院若浴堂若眾寮若華嚴閣若水陸殿既次第補

葺復製幡幢二十四首以嚴冥陽之儀初經函六百餘枚以
足大藏之數三門兩廡舊爲賈區卜肆喧啾冗雜亟開諸公
而盡斥之塗以丹雘輝如也珽榻來試邑旣喜與蘭若鄰壁
故因其求記而有考焉自天監初院爲十方禪林幾千載於
矣中更鬱依碑碣無有老宿或謂三錫勅額曰壽聖曰晏
安曰慧日亦口相傳以熟爾乾道間僧宜意建佛殿清熙間
僧宗璉建法堂嘉泰間僧祖印慧光又建寢堂丈室皆未就
去間關至今乃迄于成是必有數存乎其間豈非偶然之故
也嘉定十二年元元統元年僧普明增建觀音殿改院爲寺編
年解夏日

修胡助撰記明永樂八年僧可觀造退居於佛殿之西北殿

前鐘閣二級有宋時錢觀復鑄鐘自爲銘

銘文曰左朝奉郎新差權發遣廣德

軍主管學士兼管內勸農營田事賜緋魚袋錢觀復全妻孀
人徐妙覺發心爲慧日禪院鑄造鴻鐘爲之銘曰祝融司火
飛廉嘯風以鑄以鑄范金爲鐘永鎮海隅與法流通祝我皇
壽天長地久赫赫王靈無遠不覆華夷又愷民物康阜匪雷
匪霆是爲大聲徧滿法界福被蒼生警世大夢頓超覺城紹
興紀年編圍軍關月剛在壯丁未惟日爰勒斯銘以昭罔極

常昭合志稿 卷十六 寺觀 二

幹造僧宗信首座辨清監院懷珏住持僧興道右迪功郎縣
尉趙師嚴右從政郎主簿王文靖右宣議郎縣丞胡履泰右

通南郎知縣事孔瓚 宣德九年閣毀邑人張士良重修張洪撰記

記文畧曰

慧日寺在縣治西北其創造廢與舊碑可攷洪武間清理佛
教僧徒併入號爲叢林寺有洪鐘架於高閣朝擊之以聚徒
暮擊之以放梵紹興丁卯歲朝奉郎錢觀復鑄鐘迄今三百年
鐘閣欹斜梁柱朽敗住持僧請於縣令郭世南將作新之郭
令曰晨暮鐘聲爲夜行之禁在官在家者聞之以警惕趨事
赴功無後時之怠不可一日無也迺詢於衆將鳩工聚財以
營之上民張士良請以已財重建鐘閣凡殿宇傾欹佛像黝
昧者皆新之縑流上庶瞻仰贊嘆咸謂郭令信孚下民令行
禁止士良輕財貴德施捨合義宜勸 宏治十一年知縣楊子
貞眠以垂永久俾來者有所攷云

器重修嘉靖三十六年大殿火四十六年移建鐘樓於東城

上萬曆十三年張大器改建大雄寶殿十八年僧古林募建

西方殿寺門自十九年後燬而復葺者再崇禎九年邑人王

運昌重建大殿 國朝康熙三十一年僧可宗募修五十九

年禪堂火雍正元年大殿圯 雍正間錢觀復族裔飛鵬重鑄鐘一口 乾隆十七

年邑人王克明建禪堂修大殿住持僧千巖置田百畝為常

住業五十三年邑人趙王槐等修西方殿道光間僧性空同

邑人吳嶠基等續修西方殿咸豐十年毀於粵寇惟存大殿

及西方殿同治四年僧木立募修西方殿 鴻文按造寺之初

極廣迨移建邑城始漸改為民居至今寺之左右以及北抵山麓南抵望仙橋一帶比無繼屋其間有流傳舊契多云慧

日寺餘地可考而知也又山門以內西為西方殿其東亦有佛宇俗以東方殿呼之兵燹後重建市塵雜以瓦礫堆積其

間遂成土山不復能復舊觀矣 又按舊志不載東方殿考花當開叢談云王梅溪十朋劾史浩入罪孫汝權實德惠之

浩規次骨令門客作荆釵記以譏之其實玉蓮乃梅溪之女汝權乃梅溪同年生也吾邑修葺慧日寺內東方殿卸下大

常昭合志稿

卷十六

寺觀

三

梁梁上有孫汝權同妻玉蓮字蹟則汝權又梅溪之婿矣據

此知東方殿之名由來已久而舊志所謂自乾道清熙以至

寺定始復舊觀者孫公夫婦蓋與有力焉 光緒初僧明月募緣修寺里人又修山

門二十九年山門復燬於火旋即募脩 西方殿北舊有雨花堂佛宇一所久廢兵

燹後邑人集資築牆并入西方殿為放生園同治十一年呈縣立案給示勒石光緒三十年重建屋數楹

崇教興福方塔寺在縣治東北宋建炎四年有僧文用謂邑客

山高主位低請立浮圖以鎮之知縣李闡之然其說遂令建

塔功未半而僧卒咸淳間僧法淵撤遺構重建高九級明洪

武八年僧淨慧重修釋妙聲撰記 記文畧曰常熟為縣治處山而治焉治之東有崇教

興福寺宋建炎間文用禪師善宮宅地形之衝曰該居之居右高左下失審主之辨宜於蒼龍左角作浮圖以勝之言於縣令李公闡之李善其說乃除沮洳大築殿地而塔其上僅大成而師沒咸淳間有淵塔主首悉撤其構更建今塔其高

九級時日觀溫華爲製化疏遠近響應財施雲委遂落其成
上施露盤表以金利周設闌楯金碧丹雘上下煥然巍巍
峩峩爲一方之巨觀矣人謂淵公卽用禪師之後身也爾後縣
升爲州風氣益完民物富庶蓋實陰相之焉閱歲浸久瓠稜
檐栝日就墮侈謚者懼焉洪武八年寺僧惠大合衆施而興
之十六年癸丑工始訖昔晉沙門曇彥與許珣同建塔於越
城未就而薨亡至梁岳陽王肅督來鎮越彥猶在乃告曰許
元度來何暮昔日浮圖今如故督恍然悟其前身今紹興應
天塔是也由此言之則淵公之爲用禪師後身也無疑又永
安知今惠公非淵公之後身乎來者尙有感於斯文也哉

樂十五年僧文岐塑佛像宣德間重脩嘉靖四十二年第九

級傾明年知縣王叔臬修萬厯間邑人陳瓚蕭應宮累修天

啟三年地震塔頂斜欹邑人顧大韶倡衆新之 國朝順治

間重脩 西廊下掘地得兩香堂碑宋清
祐間人贈答無擇禪師詩句 康熙四十六年邑人

蔣陳錫廷錫重脩乾隆十一年十月王克明點塔燈燬於火

常昭合志稿

卷十六

寺觀

四

十二年王克明捐貲督糧道程光鉅倡衆重建邑人王峻撰

記 記文畧曰崇教興福寺有浮圖俗曰方塔者在常熟縣治
東今隸新分之昭文縣其制四方而九成其建造之由詳

元盧知州鎮琴川志及明釋妙聲記自建塔之後縣中風氣
益完人才蔚興民物富庶咸謂塔之陰相使然故有明以來

凡有圯壞輒爲修葺乃乾隆十一年九月丁巳夜不戒於火
全塔燼焉頷暨僅存勢將傾墜居人惴懼維時督糧使者孝

威程公見之歎曰此塔不復兩邑其衰矣首捐俸倡率於是
邑中士大夫共請三峯貫一禪師董其事財施漸集厥工乃

興經始於十二年五月未架甫就又壞於颶風季秋復搆至
十三年九月中告成相輸金利加高於昔層欄重設欄楯周

施金碧丹雘煥然天半遠近來觀罔不嘉歎凡糜白金六千
餘兩客戶王克明獨出三千六百餘出衆施住持受菴禪師

詳書其事
以垂永久 二十年重建大殿邑人蔣溥撰記咸豐十年寺毀

而塔巍然獨存同治初謠傳塔下有賊藏鏹或竊掘之塔頂

旋圯後有僧明月募脩未集事僧天元於塔東南建屋三楹

時邑中以浚河籌辦米捐每石主客各捐錢四文事竣邑紳公議續捐以備修塔之資歷年以來衆姓樂輸積有成數會因邑中公事經費支絀迭次借用迄未興工

天甯寺

吳地記後集云尼寺

在縣治西北梁天監二年建

寺舊有康僧大所修相傳有漁

者夢一僧謂之曰我即康僧也可逆我於天甯漁者以告緇徒俟於海隅見一木浮沉波濤間得之因刻爲僧像奉以香火邑人所求未幾寺廢而其地猶稱天甯寺巷同治初邑人

鄒氏就原址重建仍爲尼菴

八角觀音堂在金駝子巷宋至和中僧永壽建兼供屠太保亦

名屠太保庵

北方門院亦名陽先北谷在北門內宋濟熙中僧得蒙建明初

爲鄉約所名永安里社有碑

見金石志

後改尼庵今仍爲僧居

常昭合志稿

卷十六

寺觀

五

鐘樓寺在小東門內城根明嘉靖四十六年建移慧日寺銅鐘

置此

詳見慧日寺條下陳祠范曰邑迎春門上層樓翼然懸鐘鐘僧徒是守清曉昏夜春容鳴號朗徹城內外聲

震異方形家有文明利益之說

咸豐十年寺燬鐘亦壞同治十一年邑人錢

福棠屈承翰等重建易鑄鐵鐘

舊銅鐘改鑄廟大成鐘及祭器

光緒二十

七年李塋集貲重修

證度庵在西城嶽廟之右明萬厯間建吳偉業題額

錢志云孫朝讓題額

錢東澗記今女冠居之改名西地藏殿

長壽庵在言子墓下順治間僧覺滿盈建旋廢僧律然修復之

有息影齋石經室藏馮行賢書金剛經石刻

室址後石刻移置三峯寺咸

豐庚申庵被燬光緒二十七年重修爲尼庵

白衣庵在石梅山麓上康熙間里民張氏建後層最高處供奉

大士

近年城中香火惟此處為最盛

西廂上附建文昌閣南向

士子於此結借字會

小普陀院在北門內山麓舊名九蓮庵明邑人張受慶建久圯

光緒十七年募緣改建

寶香庵在金李橋南塊乾隆三十七年眾姓集捐建

監生娘娘殿在北門大街向為尼庵

致道觀內舊有監生殿今圯

聚沙塔在西太平巷尼庵

庵羅院在東殿巷

即東殿聖王廟今分為兩門北一門懸土地祠額

示現庵在桑家街向為尼庵現由小學堂備價置為公產

按城內佛宇舊志尚有壽聖東靈寺

舊志云梁大同中建唐嗣聖二年改為中興寺

常昭合志稿

卷十六

寺觀

六

神龍元年賜額宋熙寧中修而吳地記後集則謂唐聖歷二年置傳名十興寺原在吳縣界神龍元年改今額移於今所

鴻文案嗣聖無二年舊志誤也寺有子院日延福院梁天監中建宋端拱中修久廢

今常熟城隍廟即

其遺址也

廟門外義井石閣猶存東縣寺字蹟見金石志

古尊勝庵在石梅崖上

宋開慶間僧恩律建久廢明萬曆間翁應祥建先祠於石梅浚井得石碑遂捨地建庵僧演明構大殿禪堂額以今石崇

禪間僧源遠修僧浮石賢撰記康熙十七年大殿燬於火

舊志云庭前古樹焦灼而稍南陳武

烈帝廟獨完好人以為異

今庵基已不能確指所在

雪北精廬在北門

內山麓

即陸氏鬱善樓僧川同居之後圯乾隆四十七年邑人姚大勳等重修姚左垣撰記

又直指庵

亦相近

有僧墳塔

半巢庵在半巢居今前存廢址

竹林庵

萬曆丁巳

僧一乘募建

今遺址并入乾元宮

慈慈庵在濟農倉北

明太常卿翁憲

建

今遺址并入興福下院

齊樂寺

舊志云在縣治西吳大同年三年建吳地記後集

云尼 崇福院 舊志云在南市宋 福順庵 舊志云在縣南南甯西

庵 姚志云改孔氏家廟又改王萬祠今為徐尙書第按 妙相經

今南門內有福順大王土地祠地勢狹小似非遺址 堂 舊志云在縣治東 長庚庵 舊志云在致道觀旁康熙中今

南宋咸淳元年建 並無考 福慧庵 在道署東康熙中里民張氏建 今廢為市肆 屋止一間 甘露

殿在石梅即武烈帝廟遺址所建 翁祠 咸豐十年毀今存廢

基 里人別於小三台南馬王廟後構屋數椽名為甘露殿

以上城內佛寺

破山興福寺在虞山北嶺齊時邑人郴州刺史倪德光捨宅為

大慈寺 舊志載唐人破山興福寺再修功德記曰此寺始自齊始興五年因邑人郴州牧倪德光捨居第置之是

為大慈寺至梁大同五年改為興福寺自為邑為寺歷陳隋四代迄於我唐甲辰歲餘三百年會昌末釋教中圯僧難

甯昭合志稿

卷十六

寺觀

七

兼興武宗斥去浮圖法寺毀大中踐阼再恢釋教俾飾伽藍

先是大檀越主吳興鶴公某吳郡領罕汶南周垣與彼親友

兼募信士助修塑像添建殿堂赫赫垂芳傳之不朽以雋儔

居是邑廢之興之耳目相接俾書其事有愧斐然中和四年

六月五日記 鴻文案撰記者寓公名雋而佚其姓今知興

福寺是倪公捨宅據此記也但考蕭齊無始興紀年又年代

短促有五年者止永明一朝耳又考桂陽郡隋代始改為郴

州大初時刺史甚尊連帥數郡非唐代刺史可比倪公豈桂

陽守唐人作記遂以唐時地名官名 梁大同三年改興福寺

書之邪惟始興五年字其誤必矣 唐咸通三年懿宗賜大鐘 欽文云唐咸通三年敕賜破山寺

明代尚存龔立本松窗快筆日嘉靖乙卯邑令王鈇取以鑄 氣象雄古多唐時屋也堂柱舊有神書 睽車志常熟破山僧

亦食皇走避遂已 九年賜今額舊志云飛泉石橋修廊複閣 字從具从力字書所無字皆作隸體倒書入木三分不類雕

刻門外有二老松庭植瓔珞樹舊傳宋南渡時高麗國進陰陽相二株高宗以賜王詢約

植之殿庭每歲左花則右實右花則左實鄧琳虞鄉志畧云陸鉞詩云破山多巨木天嬌蚪龍姿高僧古寺下一枝形更奇扶疏籠翠幔瓔珞四面垂東角花英英西角子壘壘未初興國年此木貢高麗向在玉案上不知何歲移據此詩則此

樹於宋太宗太平興國年間貢池生千葉白蓮產無尻螺絲

毛龜二種附見寺有救虎閣宗教院通幽軒空心潭潭有亭

段天佑撰記記文畧曰海虞山循常熟州治西北十里而近曰破山直破山之麓有寺曰興福澗流絕山而

下瀦為深潭潭之上有空心亭焉山以峯斷石烈得破山之

名以唐少府常建詩尚空心亭之名亭之始莫知為誰歲滋

久風雨不支至正五年僧激上人謀撤故而更創焉走邑士

崔君天游后君立義皆許諾二君入望也既相為先後開者

樂趨而朱君某其倡者也落成宏敞雅潔十倍其舊先是崔

后二君常與寺昌上人取少府詩析為韻授四方名士大夫

各賦五言一詩至是悉刻梓揭之亭冠以少府詩亭所宜為

者始大備以天佑佐是州而山若亭實所遊歷致書屬為記

常昭合志稿

卷十六

寺觀

八

崔君名元方后君名克正朱君名士昭山門外有唐人尊勝經幢二詳金志寺旁

有四高僧祠詳方外志正德間邑令胡巍移建空心亭李傑撰記

記文畧曰虞山中支最為深秀以山形磅礴環抱靈氣所鍾也舊有寺曰破山今稱興福山下有泉出焉猶而為潭唐常

少府詩所謂潭影空人心者也後人作亭其上實土潭心以

為亭基四周以餘不過數尺水源盡壑茂草叢生邑大夫澶

淵胡公命役撤去舊材屏除積土瀦而深之清泉灌注冬夏

常盈於是更樹亭於潭上飾以丹雘楹桷陳宇高出岳厓老

梅古檜離立於前修竹長松森繞於後遊於斯者倏然

改觀塵襟開豁萬慮俱消名之曰空心其亦稱情也已寺基修廣至官路外山門皆僧業嘉靖間邑遭倭寇僧徒散去地多為豪右所侵邑令馮汝弼特與蠲除寺基稅一石四斗一升萬曆間僧明昱重修法堂門廡邑人錢順時妻卞氏重修大殿屠隆緯撰記李維柱跋碑見金石志錢時俊大加修葺再建

四高僧祠崇禎間邑人許士柔修建外山門 國朝順治康

熙間累修雍正間住持僧通理募修歸復寺田 曾志載齋田六百餘畝破

山續志載齋田五百一十一畝有零 言志現開寶川四百一十二畝零 乾隆二十八年僧宗聖重

葺大殿及東西寮邑人顧鎮撰記 記文曰破山與福寺肇自南齊歷千有餘禩廢興者

屢舊志弗詳其近而可稽者明嘉靖中以倭難廢至神宗時 天池僧明昱矢願重修海蓮契德繼之以次興復其得償于

成則錢憲副時俊力也 國朝七八十年間主僧弗克負荷 墮其前修邑紳士公請南山宗通理主席通理披荆斬棘誓

振宗風夕積二十餘年精心果力還整舊觀田之廢去者收 復過半佛日中興斯為美矣宗安嗣席彌復恢廣遂有寺田

四百餘畝今之希古亢宗增光白業者通理大弟子宗聖於 宗安為雁行也初宗安始大殿不支錢封翁飛鵬佈五百金

葺治之經理弗善復為風雨所損宗聖懲於前事議撤材而 新之營度料計為費不貲于時景州牧屈公亦霽封中憲蕭

公翊其集于余首先倡導諸善信應如袍鼓遂鳩工庀材經 始於乾隆癸未仲春之吉八閱月而蕪事又以常少府所稱

常昭合志稿

卷十六

寺觀

九

潭影空人心者其蹟久湮因卽寺中小池鑿石以誌而構亭

於池之北巖修臺掩映翠竹染人可登眺延爽焉寺之規制 於是大備其規畫制度董治匠役則屈孝廉曾 發齋宿山中以主其事故事就理而役不煩也 嘉慶間僧性

善募貲重修建龍神堂 按破山以龍鬪山裂得名為白龍神特著靈蹟之處故唐代已建龍堂皮

日休破山龍堂記曰禮山林川谷邱陵能出雲為風雨見怪 物皆曰神祀之宜矣常熟澤國也風雨怪物日作於民祀之

則民被其利汝南周君為令之初夏且旱雩於破山之潭上 兩果應於是命工肖其像為宮以蔭之著之於典以潔其祀

連歲以穰春秋書雩勤民之祀也日休嘉其勤 闕放生池邑 民故書文見舊志惟遺蹟所在久不可考矣

八孫原湘撰記 記文畧曰吾邑虞山北境多古刹而破山與福寺尤為之冠其地去北郭僅五里許又居

山之麓遊者便焉故自齊迄今十餘年屢廢而卒興余少時 游寺中尋古碑刻絕無存者及讀邑人顧鎮記乾隆二十八

年也今距作記時又五十餘稔矣中間宗聖弟子象高以病 不事事嗣席性善乃鳩工庀材命監完圓亮董其役凡殿堂

五戒壇一亭閣寮舍廊廡門楹以次煥然復增建大悲殿因 皮日休破山龍堂記作龍神堂以備雩祀就其前開放生池

造救虎閣以祀高僧彥得可謂百廢具舉矣始於嘉慶某年月歲事於某年月蓋施捨非一姓落成不一時故事難於前而功亦倍之如此

嗣邑人陳揆復建救虎閣度藏書籍道光初住持僧復募建大悲殿廉飲堂功德堂諸處邑人陶貴

鑑撰記二十五年邑人錢廷錦募修大殿翁文端撰記

吾邑破山興福寺肇自齊梁嗣後代有廢興前明天啟中憲副錢公時俊偕其宗老東澗老人鳩工繕修規模宏整逮

國朝康熙間大殿歲久墮壞憲副族人飛鵬嘗施五百金重葺之至嘉慶間邑明經陳君揆首捐多金俾住持性初復救

虎閣之舊又別募建大悲殿而於大殿尚未建葺治也迄今又多歷年所殿漸傾圮憲副九世孫明經廷錦慨然念之爰

于甲辰春倡捐重修編設眾善姓協力資助用錢二千五百餘緡感十有六月而工竣于是邑人士樂趨厥成以心存與

錢氏世為姻戚知之宜詳屬記其事以勸來者其用與贊襄總理則詹簿徐君藻庀材董役則住持僧圓鑑也例得備書

咸豐庚申兵燹竹徑一帶屋宇被燬餘間有殘破處畧加繕

常昭合志稿

卷十六

寺觀

十

葺尚存舊觀寺有下院在城內白糧倉前

破山新舊志六卷嘉定程嘉燧原纂

三峯清涼禪寺在虞山龍祠南嶺之前岡舊志載常建三峯詩

有西山第三頂新宇依雙松之句

年代雖不可考亦唐以前古刹也明嘉靖間幾廢萬曆間僧

法乘重建寂照堂

與舊末異 庚戌歲僧法藏自梁溪來居之邑人包涵虛傾家增廓

寺基陸尊禮等施齋田三百六十畝邑紳趙承謙力為護持

子文毅公孫隆美復倡導飲助蔚成叢林趙士春撰記

峯禪院舊名山峯載在桑志其禪院創見於鄧志山門臨烏

地也宋李堪烏目山詩序以爲登水木之虛室遇烟霞之美
夜是則地稱靈秀自昔已然明萬曆庚戌梁溪漢月藏和尚
來寓常熟一日遊虞山北麓望人烟一縷起深樹中曰此其
上必有隱者攀藤附葛登之而古院沉寂谿谿流繞門漢月樂
之主僧見其氣宇非常遂請住此山虛檐鏤壁草屋蘿墻饑
甍窮蹙之聲與鐘魚相應答其明年清信某輩破家爲三峯
鑿刹辛自時厥後先中憲畢生骨導邑之檀護淨財雲湧余
父子亦爲之依助香樓金道架壑梯岳佛殿禪堂炫朱耀碧
以至僧之川養老之室善同之塔無不以次庀治五六十年
法王之願力始大備今漢月法流遍南浙皆曰三峯真種
予云茲院之後有三阜陸然而起漢月以是改爲三峯及其
得力于洪竟範所著宗旨更著爲清涼院今仍其舊名三峯
禪院許彘其緣起若此俾後之紀載名藍者有考焉

天啟四年法藏募建千華殿六年
建精進堂崇禎七年僧宏澄建內山門十二年太倉顧麟生
建準提閣邑人嚴斌撰記 國朝順治三年邑人朱煒建大
悲殿王曰俞撰記八年僧濟裕建天王殿十一年僧正岳建

禪堂松演堂十八年僧上智建普同塔院康熙中僧曉青建

方丈郡丞魯超顏之曰正續八年又改建寂照堂十八年僧

原志重建法堂

熙怡錄云碩揆駐錫三峯至八年之久其後漢月法孫曉青廓寂照堂而大之方落成而

去松江太守魯超製一匾曰正續堂欸曰會稽魯超爲確庵
大相尙題令隸撤舊匾而懸之確庵曉青別字也碩揆以爲
爲人子孫不能保祖宗一匾何顏復住其處對後人說法遂
曳杖去後三峯日衰吾鄉士大夫思之爲撤匾復招頭揆重
來主

法 三十三年移建精進堂改建天王堂三十八年寺僧超

揆迎 駕蘇州奏請 御書三峯清涼禪寺額六十年僧開

望建祖堂雍正七年重建內山門乾隆五年僧聖通募建大

殿邑人趙永孝撰記二十九年移建祖堂薛起鳳撰記五十

三年住持妙言呈請 頒發全藏經供奉藏經閣邑人蔣賜

聚撰記

記文畧曰先文恪公會因主院蓮溪之請願致龍藏全部莊嚴茲寺有志未竟聞今垂三十年子作司農

適住持妙言復以乞領全載經文供奉為請予幸先志之得遂也謹捐貲繳納工價仰荷 頒發全經并續人四體大藏

全呪一分即就 內殿裝成卷冊統計七千二百六十八卷分貯七百二十九函遷護歸山安設供奉庶幾永植勝緣聊

酬善願 按志記刷印工價銀六百六十八兩裝黃運費不與焉 嘉慶十九年僧顯祥修外

山門二十五年脩精進堂道光八年僧真安次第脩葺建功

德堂十年修法堂咸豐十年大殿及方丈並燬同治十二年

僧照塵重建寂照堂及堂東北隅院宇陸續購置大殿材木

光緒三十年興工造成寺有下院在城內大倉橋北 言志載齋田十

七頃張對揚等捐山場約六頃歷奉優免徭役又道光年包梅陰田五十餘畝內三十餘畝為包氏修墻之需勒石在寺

順治中邑人嚴炳纂三峯寺志乾隆間係淇續訂後許清又加詮次道光八年趙允懷趙金昌重輯為二卷付刊

常昭合志稿

卷十六

寺觀

十一

中峯講寺在頂山之南峯梁天監二年僧月澄建後廢宋元豐

間僧懷素自興福至頂山營砌石路縣尉陳于撰記 記文畧曰

北行九里是為破山又北行九里是為頂山又北行六七里是為小山之南北相距纔三四十里而名已不一矣又合

而名之或曰烏目山也縣人以舟航為安而視道路無不勞苦者故自縣至破山即有興福寺又至頂山即有頂山寺其

路隨山而山之形勢皆沙石雖去山稍闊而釋川之勝又亦

變換而人跡不類則榛莽為之莽雲雨暴至則泥濘為之塗

人愈勞之也昔之僧於興福者悼其如此於是出其身有之

財而累斲以斲之然自縣之北門以至興福之寺門而已今

頂山中峯菴主懷素大師願以輒石自破山之雙塔砌而登

之以抵頂山之寺門其費纔百萬其役工數百計兆於熙寧

八年之孟春成於元豐二年之季夏又建雙石塔以續文蔚

之衝開四石橋以濟往來之阻是能為縣官之求為而以法

縣官之不逮者吾 元末寺燬明初僧原伯初力為恢復永樂

其可以無書耶 元年僧淨心重建賜今額嘉慶間倭寇踞其上居民毀之邑

人嚴訥復構小室天啟中覺海修葺殿堂建大悲閣 國朝

康熙三年訥孫栻重建大殿邑人錢朝鼎撰記 記文畧曰虞山多古刹而

中峯破山寺同建自梁天監二年唐時常建游茲地有輕雲

龍母殿右峯巒迥合中央數十畝泉香土厚勝國初梵宇千

椽緇素萬指嘉靖倭亂蹂躪幾盡僅存數椽弗戒於火萬厯

間紫柏高弟洞閣卓錫於此會開子嚴公護持稍稍締構終

與莊嚴色相懸絕剛是而雪竇奇禪師靈溪講師以泊行僧

潭即往來留宿終鮮廊大向之丹堊琳瑯金繩玉陳香不可

問警珠殿公祖述先志請天公主法席旋仗助其興復余雖

疏緣倡募實有沿門持鉢掬水圖沙之虞時節因承泉湧輻

湊逾年而大殿成踰年而僧堂庖厨階凡次第以治

種種莊嚴又置板僧田三百畝余既信佛法神

通廣大而又以信賜劫難值之說為不誣也

五十年邑人

張廷華重修乾隆三十一年栻元孫有禎增建山門天王殿

自撰記寺有墨池 舊云張旭遺蹟 或云懷素遺蹟 又有碩揆塔今年久失脩

常昭合志稿 卷十六 寺觀 三

寺屋半多殘破 曾志載齋田一百八十畝 下院亦廢今兼管般若庵

維摩寺在虞山之巔宋隆興元年僧法運叛本名石屋維摩庵

中有石井名湧泉淳熙三年邑人曾懷奏請為功德院敕賜

顯親資福禪院額明初僧壽松建觀音殿宣德四年僧曇敷

建天王殿甃石為路改額今名萬厯間僧法乘造金粟堂不

二門方丈禪室後圯 虞山勝地紀畧云維摩寺銀杏六株大

其一惜哉按餘樹庚申兵燹後尚有存者至光緒年始盡伐

以製坐具而加髹漆焉僧與施主後人分有之而維摩更濯

矣 國朝康熙間僧起雅同陸瑞升等建大悲殿乾隆三十

年邑人屈承霖重修顧鎮撰記 記文畧曰維摩寺踞虞山北

至山大敞法幢徒侶雲集與清涼破山相埒矣歲久寺壞緇

流散去一二存者僅數椽蔽風雨晨夕不能具體粥費公四

世法嗣甫田念祖庭頽廢乃發大誓願會邑紳傳野屈公至其地毅然以復古為己在遂撤其舊而加廓焉凡為殿為堂為軒為樓為閣為室為寮為廊為山門為倉庫庖厨弗墜繼又於寺後闢地為園以供遊憩凡為亭為臺為池為樹為石為樹岡弗飾治繚垣甃石設鉢田幾百畝象設莊嚴鐘鼓鏗鏘南望則尚湖如沼北望則大海無垠佛日中興因緣宿締工始於乾隆乙酉季夏歲事於丁亥季秋凡用白銀萬有一千餘兩公獨力成之而披荆剪棘以終始其事兩田力也其信處山椒為之經理則公子魯傳其從姪尊榮飲之魯傳名曾發乾隆戊午舉人尊榮名辰發國學生兩田名實青常州府金匱縣人 咸豐庚申寺燬光緒年僧一照重建屈氏助修望

院在西門外臨山前塘

藏海禪院在拂水巖上舊為拂水東庵明洪武四年僧道原建

拂水東庵有地藏院明嘉靖年建新德厓洪濟遞修之舊志別列一條幾疑為兩寺茲附注於

常昭合志稿 卷十六 寺觀

此又有拂水茶庵康熙中里人沈萬育建舊志未注所在 國朝順治十六年僧通琇自

京師還山奏請建塔葬母奉 敕賜帑金建大慈塔院後改

為禪院乾隆間里人陳士煌增建大悲殿自撰記 土屋置齋田二十四

畝子永宗續捐二十畝 咸豐庚申寺亦殘破近年遞加脩葺漸具規模

有下院在西門內

普仁禪寺在虞山門外天潭谷之南 錢志稱北地藏殿 明萬曆間邑人

陸重科建後圯 國朝康熙初重科孫廷祉同僧行法修復

人目為小雲棲邑人翁叔元復建大殿鍊鑄接引佛像 故又名鐵

佛 寺捐置飯僧田二百七十畝糧道馬逸委補為撰記 記文曰虞山普

仁禪院去城北一牛鳴地捨山建梵宇供地藏菩薩傍置義塚者前贈方伯養質陸公也感靈芝之瑞捐金作殿閣三層

者贈吏部禹舟陸公也主張營建音斯瑞法禪師也住持修
行者載流策禪師也嗣法蘭教募鐵二萬勸修寫接引如來
丈六金身者身葉奉禪師也萃公修錫金沙覆席者鶴雁立
禪師也倡建大殿者大司寇鐵卷翁公暨別駕忍菴陸公吏
部取青陸公及陸氏諸輩從也鳩工庀材督率鉅貲斤爨膏
虛山黃善人鳳善也在巖左右二菩薩金容者新友程善人
四其度山黃善人子昌也邇經始之日距今垂百平土木丹
雘以次修舉蔚成寶坊雖檀信護持不少而司寇之力爲多
未幾而司寇不可復作矣立公道風流破學者雲集予公餘
過訪見大時唄誦繙流數十百人詢何以給朝夕師曰近買
良田百八十畝徒眾得以無饑予訝其飄然安所得金
錢爲恆產計師曰野兩豈有黠金之術實司寇翁公布施也
公念持鉢乞食不可以久捐其膏腴之壤以膳桑門而不欲
居其名且恐山僧不善守也且恐局外或覬覦也且恐後昆
存德色也故爲交易券約錄其功于諸檀信并誠山中勿吐
其實其用心也苦矣公今往矣吾非敢違其誠抑豈敢奪其
德及其苦心哉予矍然曰使盡人皆以司寇之心爲心則此
田永爲普仁常住飯僧川矣予作吏茲土駐節虞邑目擊勝
事謹爲文刻石以告後人并列券約原文于左
其外捨田善信亦附見焉康熙四十二年六月 後又歷次增

常昭合志稿

卷十六

寺觀

五

建邑人孫原湘撰記

記文畧曰雍正年間主普仁者爲一輪
月公開堂暨拂四眾響附寺苦無水一

僧闖然入自謂竺仙以杖卓地遂鑿石取泉泉汨汨至覓竺
仙已失所在因名竺仙泉其感召靈異如此自後爲慧空祐
公建齋堂造客堂樓閣山場補稍式廓矣乃繼僧儒公嗣席
發宏願大力而山門殿宇樓閣廊廡庫者崇之勤者新之增
建十志照報木堂別於北郭建培心堂以施衣棺與高足性
于度城南之西莊建存仁堂面山臨流以資禪悅之所公既
示寂憚千肩荷未了改建葺殿燬素四天王像侈建泉亭至
是而規模益宏整矣功既訖以授其徒德新而退居存仁念
自康熙癸未迄今百二十甲子創建之蹟無文字 咸豐庚申
紀述懼即湮沒請予爲文勒諸石道光五年八月 咸豐庚申
被燬今寺僧重建地藏殿及旁屋數椽寺有下院在北門內

昭忠祠旁

白雲樓舊名列泉禪寺

俗呼下石洞

在虞山西麓上康熙中建乾隆

間孫祈福修三峯僧化葦募捐飯僧田孫原湘撰記

記文曰虞山之

最高者曰鵝鵠峯峯之下有石屋焉陸堅吳地記稱為太公
望隱居處傳會不足辨要其說舊矣屋上鏡下廣袤延約二
丈許泉踞其半氣蓬蓬上蒸石壁光若露珠還滴池中琤琮
可聽盛夏暑霧毒蒸循級下三數武涼氣沁入肌膚冬則反
是蓋二氣伏藏爲之旁有佛廬一廡陋且敝乾隆十九年春
先大父朝議公挈季父震遠公遊而樂之三峯僧蓮溪者工
詩有辨才介季父請于朝議公公乃出家財就其遺址而門
焉更礮石爲大殿殿之西爲客堂榜曰雲半間入爲員照堂
折而西室中舫焉爲旅泊取客舟偶繫之義殿東爲蒼雪堂
堂以外爲菜圃爲溜池山殿而北爲重樓廣五楹榜曰天風
海山樓前小山若拱案環寺叢木蒼翳遇天晴則海上諸山
羅列可指寺之最勝處也樓之東有小閣閣下今祀震遠公
及蓮溪像循樓西而下卽爲石屋寺僧取鑿汲之便就而厨
焉此園寺之大畧也自乾隆乙亥至辛巳閱七載乃成中間
以震遠公病歿及事幾寢蓮溪丐于朝議公卒成之已復置田
若干畝其後蔣君某捐田若干畝僧紹休監超尼妙通捐田
若干畝皆蓮溪之力有以致
嘉慶間邑人錢朝錦言尚煒等
之而法嗣德風克守成焉

重修并建泉亭原湘復撰記

記文畧曰虞山多石屋在鵝鵠
峯下者二其一稍寬黝而溼不

常昭合志稿

卷十六

寺觀

夫

適於遊故小石洞特著先祖朝議公構精廬五十楹授詩僧
蓮溪惟大殿供佛兼奉太公像餘則飛樓複閣曲榭層軒高
高下下資眺覽之勝不別立寺名名小石洞創建於乾隆乙
亥歲迄今垂七十稔中間蓮溪之徒德峯稍事修葺旋以事
被逐自後僧徒益衰寺亦漸圯嘉慶乙丑余自翰林假旋始
別投僧搜龍搜龍能勤苦余爲籌之錢秋槎學博袁渠得五
十金補其滲漏寺得不廢然卒無力興修之已卯春偶偕言
雨香刺史往遊雨香謂余紹先修古子之責也余告以政因
相與嘆息及庚辰秋余歸自旌德則朽者新傾者植煥然而
收觀皆雨香之力也洞之旁寺僧向取鬻汲之便就而厨焉
雨香以爲寺之勝在洞與泉不有亭以臨其上則風泉雲壑
之致無以坐而收之於是斥其舊材增葺葺葺以飛簷敞
以川窻而後洞之幽邃泉之清冷皆在我目睫之下刺史名
尚煒弟尚炯尚熙學博名朝錦其他施者姓氏悉載於碑陰
咸豐庚申大殿及諸樓閣並燬後畧加脩葺尚存客堂及舫
齋數楹三峯寺僧兼主之

寶巖禪寺在縣西十里許山麓

今其地名
寶巖灣

梁天監初建初名延

福禪院

按吳地記後集所記延福禪院在縣西十三里虞山南嶺下梁大同三年置者當卽是此蓋天監大同相距不遠不應於西山麓置兩延福也而志稿別列一條

並云明萬曆丙辰僧慧覺重建今不可考附記於此 唐會

昌中廢錢氏納土時有希辯禪師棲此錢氏施金造七級浮

圖宋端拱二年希辯自京師還山大加增葺李湛撰記記文曰海

隔山舊有延福禪院蓋出於梁天監之初自唐會昌廢毀存者無幾端拱二年今長老慧明大師希辯荷天子榮命歸止

於斯而邪耆里俱爲之大作廣宇峻厦不五載而告成於是

有顯壯而堂者有窈麗而室者有虛揭危累而塔者有雙延

相敵而廡者又有圍覆環架四十而院者會奇集勝賦不能

盡卽以主者處師俾悉得而專有之師當錢氏列國時從學

於天台山既大成而有聞被召人爲慧智禪師居普門寺演

法暨餘抗國除隨詔詣闕上御滋福殿引見宣授紫羅命服

及丙府帛五十疋復賜師今號留之京師天壽寺泐化三年

上御製草書急就章一卷道遙咏一十一卷秘藏詮三十卷

太平聖惠方一百冊藏焉恐後未諭其來故 天禧中知縣胡

按其實以錄之至道二年冬十月二十四日

常昭合志稿

卷十六

寺觀

七

順之請賜額寶巖禪院歷歲漸圯明道中武陵顧顯邑人李

仁壽等重建佛殿邑人陸絳撰記記文畧曰姑蘇北走百里

宇曰寶巖倚山面湖秀若屏幃嘗有希辯師者是焉棲處錢

氏霸國時以名聞召歸餘抗既而歸隱舊刹錢氏復施金五

百兩造七級浮屠院名舊曰延福天禧中邑尹胡順之飛章

上請改賜今額佛殿歲久無尺椽明道中武陵顧顯邑人李

仁壽等捐厚資召良材經始於景祐之丙子落成於慶應之

乙酉壯而不華嚴而不陋梓里人也偶爲茲山之游目擊諸

公之善以文見託得以直 宋南渡後院益荒陋邑人有劉康

者以飯僧田施之邑人崔敦禮撰記記文曰海虞山西有道

荒陋不足安眾單鉢不陳像設無餐余每過之嗟憐而力不

至也一日圭僧德章來謁曰吾院有可興之理邑人劉姓康

名者自言其父嘗以報慈憚殿及吾院俱貧不能給欲施田

以辦百斛爲三寺助粥飯緣生前願力勝追修百倍是不可

墜乃舍之如其數而三分焉吾將自是莊嚴積累興無盡

供願求一言記之以勸來者康孝而樂善其父諱仲榮 其

後遂廢明永樂初僧法震重建嘉靖中又毀於倭寇僧至昂

營小屋居之邑人錢璠撰記記述至昂積置寺田重構寺宇

成之國朝順治康熙間增建殿堂乾隆間邑人姚大勳曾

加修葺寺基積漸變為墓地至咸豐初僅存山門內官路及

殿宇兩層兵燹盡燬同治年有僧蓋屋三楹募化修葺不果

今屋亦圯餘址無多不可復舊觀矣殿址前尚存錢璠修廟

碑兩座見金石志

頂山廣福院在縣西北十八里梁大同十二年石使君捨宅因

名頂山院宋治平四年賜額壽聖亦稱頂山寺明洪武初歸

併崇教興福寺寺出嘉粟今絕舊有十景曰烏目山桃花澗

常昭合志稿

卷十六

寺觀

六

翠珉橋羽客臺烏翔石石門菴白雲泉碧葑園龍母池凌雲

徑皆不可考今遺址僅存里民錢氏於其上蓋屋數楹

連珠洞觀音庵在破山北同治間始奉香火於此建屋

普度庵在破山北梅園康熙初建今為新安公所屬普仁禪院

翊龍庵在頂山街按龍祠詳壇廟志祠左亦有奉佛之所舊志名自龍庵梁天監初僧堅編創

按虞山南北佛宇舊志尚有光明庵上破龍澗上興福屬院宋熙寧間

僧海素建今廢高林庵在破山明魏院初有碑記今嵌今廢

上方院在頂山寺右龍湫上舊志云積石坡陀澗水湍激最

且今廢瑞石庵在上方院右未明道元年里氏陳氏建治

山之巔直上絕險有瑞石峭拔不可窮極而龍母之塚神龍

之池環窟其旁邑民禱禳水旱曾不告召而千里畢至明道

紀元之初浮屠守常者能默誦妙法蓮經華邑民陳氏屋其
下爲菴召守常持事之自是禳禱必應福在一方守常死菴
其下者不得其人則禳禱不效水旱相仍嘉生不遂邑民以
爲戚迨今治平丙午縣大夫向侯因民之欲命僧惠安拯
弊墜益廣其旁以廊以軒以垣以甍以飯四方之來者以起
民歲時祈禱之誠信夫窮巖絕境龍怪之窟宅足以爲一方
之福遇人而興其信誠之應

效蓋不可誣已丁未春正月 **今存廢址** 萬松庵在拂水巖
地名牛窩潭 **西有鶴林塔** **今存遺址** 廣長庵亦在拂水巖西 明萬曆間僧實

果 **今廢** 三休庵在拂水巖下臨山路 宋時建明宏治中徐可璿重建 妙

音庵在桃源澗 近陳莊靖墓公子禹謨建以奉大土香火舊傳飛泉複閣備極勝致并儲有大乘全藏

今廢 舊志云後改名藥師庵尼僧居之 石屋庵亦在桃源澗上白蟾洞旁

近何何石坎亦屋明萬曆間僧某建殿洞旁兼有泉石之勝 **今廢** 天龍庵在桃源小澗

志云即三茅殿 **今廢** 普福庵在維摩寺東 宋時建有慧日居久廢康熙年間僧法樹

常昭合志稿

卷十六

寺觀

五

重建乾隆五十四年重修 **今廢** 鶴隱庵在錦峯山麓 明時建 **今存遺址**

如如山居即高道山居遺址 宋咸淳中僧道腴孰建佛宇 **今廢**

以上虞山佛寺

聚奎塔福城禪院在迎春門外半里明萬曆間邑人蕭應宮捐

資剏建浮圖經始時斲土築基得一古磚旁有舍利寶塔字

眾以爲異及五成而應宮歿崇禎元年邑人倡募竣工成爲

七級 曾志云公估塔基十五畝有高其號齋川 七年邑人許琪鑿放生池 捐華漚

三十畝 歸院經理 國朝順治間總兵楊承祖建大殿僧浮石

賢住持康熙中僧雲漢滿繼之邑人蔣伊重修僧建塔廊僧

天山龍山相繼興修遂成巨剏歲久傾圮嘉慶間僧性通重

脩十年而工始竣邑人孫原湘撰記

記文曰出迎春門一拘廬舍有浮圖曰福城禪

院亦日聚奎塔取宋天文志語以為文明之北吾邑依山為治右隆而左坦故於城東峙兩塔以勝之聚奎塔創於明萬歷間邑人蕭應宮甫五成而應宮歿崇禎初厥工始葺凡七成俗稱新塔 本朝順治間楊承祖增建大殿康熙時蔣伊重修至於今蓋百餘年矣余少時過其地多荆榛瓦礫之場惟塔巖然獨存闕楹朽壤磚墮零落求佛宇僧寮無有也嘉慶三年僧性通至慨然有志於興復顧材費而役鉅度非口說所能致先令僧可正鳴魚飯號民間不應性通乃以輶輪升木籠浮圖之顛誦經其中七晝夜謂之天關後穴身上龕僅漏小孔如指亦七晝夜謂之地關於是遠近響應施捨雲委首立大殿方丈重門以次及諸殿講堂客舍獨塔工尤鉅中間以歲之不登屢作屢輟自嘉慶七年至十六年設天關二設地關三十年而役始既司其事者徐鳴岐吳紹遠浦天元程漢易於是金碧丹雘高下煥然四方來瞻罔不慕歎性通請為之記嘗謂吾邑政令所宜先者水利學校自前塘湮塞數十年叠遭旱澇未能修也學宮大成殿至上漏旁穿未能修也豈其地土之瘠民力之不贍歟及觀此塔之成在頽廢百餘年之後而一人倡力卒致材用具足則又非盡瘠與不贍之故也昔南豐曾氏記菜園佛殿謂佛之徒比有興作其力勤意專不苟成不求速效故其所為無不如其志者非獨其意足以動人亦有智然也余故為性通記不惜詳著其事如此 咸豐二年秋大風塔頂圯十年院宇全毀同治三年復因大風塔七層全壞今止存半壁僧徒於舊基營小屋居之

常昭合志稿

卷十六

寺觀

三

資福禪院

俗呼施茶亭

在南門外楊忠烈公祠左萬曆中建佛宇俾

守祠僧居之

國朝順治初僧行嘉立茶亭接眾僧繼設飯

僧田二頃八十畝零知縣湯家相免其役僧行淨募建大殿

僧行法建大悲閣僧本宏翼以東西兩樓次第增建山門懸

今額邑人趙士春撰記

記文曰常熟古稱望縣北枕江海南通吳會軍持來往殆無虛日大約以

南關為要津若夫四方僧徒走屨邑者亦接踵而經于斯苟無接待之所為之甚足焉一餐一宿其困之可勝言哉資福

院蓋接衆名藍也行僧寶化者初結茅以施茶旋募田而飯衆傳至語溪既構殿堂門廡遂延南潤斯瑞禪師創始大悲閣時吳下大水院中雖忍飢束肚亦不至捲堂以去嗣請靈巖童碩師主是院師悉心力供眾飯僧未嘗告勞又竣大悲傑構翼以兩樓創山門繚周垣以次庀治今則蔚成寶刹與諸山名藍並峙東西矣賓公之接待也王君延之實肩倡募慮不繼謀諸其宗老兆吉翁糾集同志置齋田二頃六十畝有奇以是資稍得給延之氏又捨其業爲放生池邑中檀護莫不響應余亦樂與依助焉考邑志常熟接待院在縣南五十里之吳塘宋建炎中僧懷果建院久廢明萬曆中錢春池憲副制招提於南關三里橋仍接待之名而地非孔道四十年來無復有過而問焉者踵吳塘之舊跡續懷果之勝因其

在斯乎其在斯乎

王履昌又爲文記之前有放生池爲王氏施入院

中寺址十二畝有奇以公佔谿糧康熙二十一年糧道劉鼎

又劃近寺三里水道爲放生河永禁捕魚自爲記文勒石

畧曰放生之說三代以上未嘗有古帝王之用物惟其有節而已不聞其放之也迨唐乾元中始命諸道各置放生池凡

常昭合志稿

卷十六

寺觀

三

八十一所顏魯公作碑銘以祀之余嘗備駐劄虞邑邑之南關外有三里橋歲久圯崩縉紳父老相與爲葺復之計余捐奉助成之刻日告竣民不病涉而環橋左右漁戶悉行網罟蓋其平日既不事耕鑿徒事掩捕以飽貪饕不有滿禁盜有饜足時乎今規而計之自三里橋始北至豐樂橋南至資福院橋內東行至辛戌橋方圍約三里許界址盡然漁人俱不得過而問利夫山林川澤與民共之爲政之體也然而仁民愛物好生惡殺非君子之所有事乎方今聖人在御軫念東南民力之困蠲租賑飢省刑撤禁兢兢以民命爲重放生戒殺固其大端又何疑於所見之隘所事之迂耶一池可以作四海觀片鱗可以作萬命觀魯公之碑所謂環海爲池周天布澤富哉斯言也

乾隆四十六年邑

紳延僧住持清理齋田嘉慶間僧重修咸豐十年毀同治三

年僧悟鉞重脩十年僧西蘊重建大雄殿天王殿西方殿及

功德堂諸屋宇並增置齋田前住持僧明達添置二十畝茲又添置十六畝有奇

蕊香庵

俗呼水墩庵

在南門外渭洞涇口四面阻水明萬曆初有錢

道人者長不踰二尺蹒跚於地募得千金而建崇禎中邑人

錢裔忠重建

旁建陳烈帝祠

子祖壽撰記

國朝雍正八年僧心融

重修道光二十二年僧戒性再修

置僧田百畝

咸豐十年毀同治

八年僧悟鋤重建十年僧西蘊修

三戒堂

舊志誤三教堂

在風雲壇之東元初建汪秉和修今葺為尼庵

善會庵在南門外三里橋下塘明時倉基上順治間僧寂泰建

邑人孫朝讓撰記康熙間僧普問修乾隆五十一年僧松濤

重建胡靜之撰記今移建於永濟橋西

紫竹禪院在南門外南豆巷嘉慶戊辰僧悟修創其母蔣氏亦

奉佛捨宅為之道光甲午僧玉山助之募建大殿邑人言朝

常昭合志稿

卷十六

寺觀

三

標撰記咸豐庚申燬光緒乙未里人王六如之母亦奉佛乃

重建焉並捐飯僧田二十四畝有奇張瑛撰記

按今南門外有蓮墩庵

在蓮墩洪

朝海庵

在接官亭後

昆尼庵

在小石橋南

上僧庵

在大壩西

均未詳建造年代

舊志均未載

東經堂在西門外山麓本名資福經堂元至正間邑民陳諒建

明正德中邑人陳察陳寰施財新之張京安撰記

記文器曰堂之別建

為邑人陳諒為元至正十五年洪武十二年有曹謙者復捨地而廣之得七畝有奇今所存不能及一屋宇咸壞奉其教者張燁走告於御史陳君及弟翰林君二君相與言曰佛之教不可崇而茲山之麓不可無勝吾當施財而更新焉使四方來游者憩息於斯故燁得新其堂若干楹又曰堂之東去一里半舊有堂曰徵善其西去一里半有堂曰報恩又其東去四里半居於城之北則為集福與茲其為四而徵善已廢云云按今報恩堂亦無遺迹矣

嗣後久改為

尼庵光緒年里民復集資新之舊志未載

般若庵在旱北門外伏虎橋東順治初僧聞月建康熙中邑人

翁叔元建大悲閣僧友雲祖重建大殿銅鑄佛像咸豐庚申

毀同治光緒間重建遞加修葺近為中峰講寺之下院

陸蓮庵初名蓮社庵在洗馬池北明時建有陸地生蓮之異同

治間邑人趙宗建重建改今名

清修庵在顏巷口舊志無之

水月庵在水北門外本瞿氏水月齋撰指月錄處屬維摩寺今

改葺為青蓮庵尼僧居之

扈城庵在水北門外明嘉靖中邑人吳堂建 國朝康熙中僧

常昭合志稿 卷十六 寺觀

三

人巖脩

三印庵在大東門外三里橋本名譚家庵僧鑑堂圓重建

大悲庵在尖口圩順治間里人吳時初建錢志云時初本巖人僧居吾邑僧妙賢募

建大悲殿時初獨力成之咸豐庚申毀同治間重建

南塘觀音堂在三里橋康熙間建今重構小廟

按今大東門外有興隆庵在大街北拈花庵在熙春橋南海潮庵在梅李塘

均未詳建造年代

映蓮庵在小東門外華匯西北康熙三年尼密行建邑人巖龍

翔撰記今尚存老屋數椽舊志未載

圓通庵在顏港明萬曆間邑人巖澤建

長春庵在行春橋洪武間里人侯氏捨宅建萬曆間三遭火患

至庵而熄屢著靈異今重建小廟

按附郭佛宇舊志尙有曼殊庵在三里橋內薄歷間僧洪恩建以接待僧衆

又名接待寺僧性鎮增修李維楨撰記 圓覺庵在高邱上明王百穀建僧德聰宗璿重修

南渚庵在尙湖東北嘉靖間道人普佛初僧圓曉成之邑人陳瓚撰記 上生庵在

湖田明嘉靖中建有見山亭放生河 化成庵在西水關外

明萬曆間里人後改爲王氏祠 顏其外垣曰山高水長人猶呼爲化城基 蓮花

庵在西門外明徐樹德建 潮音庵亦在西門外明僧海關募建

報慈教院在北門外報慈里宋崇寧二年建內有十六觀堂久廢寶祐二年寓人趙雲安崇

驥重修置今存遺址 同治年邑人趙宗建於荒基寶華庵

常昭合志稿

卷十六

寺觀

四

在報慈里康熙中僧院風智建 久廢 結草庵在北門外明萬曆間建國朝康熙

中僧侍今廢 普慈庵在洗馬池北順治中僧時泰建 久廢 雙松

庵在水北門外順治初僧量如建 北極庵在新塔西明縣前康氏建僧如學居

之

以上附郭佛寺

白雀寺在縣北謝家橋西地名相傳梁天監初僧志圓建甫成寺草

有白雀二巢焉因以名寺宋端平三年僧如瑤重建元末燬

明正德間重建隆慶初修邑人陳瓚撰記記文畧曰古虞白雀寺距縣治二十

餘里梁天監二年有僧志圓者善風角建茲寺寺名白雀何粵稽伊始有白雀來巢是以傳此名也而後之神其說者言

人人殊遺無所考矣歷前元幾鞠草莽正德丁卯間有僧明慧更新之越嘉靖癸亥復頽圯余適以言罪歸道人明淨來

募茲緣余期其功巨而難就也越四年
丁卯年登乃續矣道人乞余言志之

國朝乾隆二十二年

年僧聖通重修

初南隨筆長洲王雅宜工草書嘗養病吾邑
自雀寺以所書鑄石人稱白雀帖今石在賓

場門內質庫中以
字面土作階除用

按謝家橋有長壽庵

近雙
忠廟

舊志不記建自何年咸豐間毀

湯家橋有雙林庵舊志不載

大慈教寺在福山鎮梁太清元年僧普明建或謂天監中為法

水禪院宋大中祥符元年賜今額後燬元初重建得江中浮

來巨木為棟名曰泛海梁後廢明洪武初僧善持重建並建

鐘樓釋居簡撰記

見金
石志

寺有轉輪寶殿臥佛殿西方殿三角

亭重榮樹

國朝乾隆三十一年僧化葦募建山門大殿復

常昭合志稿

卷十六

寺廟

五

修東樓薛起鳳撰記

記文畧曰常熟縣治北四十里其鎮曰
福山環海枕江七峯雄峙有寺曰大慈

梁天監二年普明大師始創為法水院太清元年改今名宋
大中祥符元年復賜額元季毀於兵明僧善持重建其詳見

寺志順治五年殿後萬佛閣毀於火百二十年以來僧徒漂
寄棧椽傾頽莫或過而問焉乾隆三十二年春二月邑之善

信書請三峯雪航葦公歸寺重修正殿寺故葦公脫口地也
乃命門人廣文義公應請即於是月募緣眾志有孚檀施克

集庀徒揆日百工咸理峻高四丈六尺圍二十八弓有奇經
始其年九月明年四月告成因萬佛閣基建重樓七楹旁立

禪堂五楹丈室四楹齋堂香積諸屋至三十四年次第告竣
費約三千工逾萬計歲之秋七月葦公屬起鳳為之記寺基

係免糧地相傳百二十畝寺志失載或被侵占今約存地六
十餘畝別置齋田三十餘畝其檀越姓氏及監工執事首例

得備書
於石

五十三年重建轉輪藏殿邑人陳士林撰記咸豐十

年毀同治間土人於舊址重構數楹光緒二十三十僧道熙

於寺基掘得瘞佛甄刻

詳金
石志

永昌庵在福山八段涇梁普通中創 國朝康熙間金範重建

並置齋田咸豐辛酉毀同治初重構數楹按虞鄉志畧之播

按福山佛宇舊志載有慈義庵在陸莊宋政和間僧淵澄

福城庵在城東萬曆間建 慶雲庵在虹橋 積善庵 廣善庵

觀善庵 東城庵 貫涇庵 妙香壇均不記所在

極樂庵在黃家橋西四里明代建乾隆間僧靜安修置齋田二十餘畝

西林庵在八都四圖順治中里人錢昉捨宅建錢朝鼎撰記昉後

為僧名超傑 康熙二十四年沈萬育建大悲閣并置齋田二十畝

永慶教寺在河陽山梁大同三年侍御史陸孝本捨宅建宋政

和四年賜名大福寺大中祥符元年改今額寺有古檜八其

常昭合志稿 卷十六 寺觀 美

西南一株為雷所劈附著他幹而生元末毀明初僧如海重

建旋毀正統九年再建嘉靖庚子邑人徐恪修萬曆庚子蕭

廡宮錢岱修 國朝康熙元年錢陸燦錢朝鼎重葺朝鼎撰

記增廓聚福庵為下院乾隆間僧際元 附建文昌閣楊希傑

按舊志載有僧居院在河陽市積善讖庵在河陽村並元大

大樹庵即廣福禪院有大銀杏樹曾志剛 宋乾道間僧性真建

元大德間僧修倫重建基十畝 國朝康熙間僧問潭再建乾

隆壬申大殿災僧福城葺置齋田二十畝 嘉慶丁巳邑人楊岱捐助

香火田計三十畝 立有碑記

法輪寺在鷲山梁天監間僧宗印建明洪武五年僧勝行重建

永樂二年僧智昶增建地藏殿及法堂山門

緣覺庵在田莊鎮南康熙中建

按西北鄉佛宇舊志載有淨居禪院在慶安鎮梁大同二年建舊名尊勝

禪院宋大中祥符元年賜今額國朝康熙中僧六一修中墅庵在田莊鎮明萬曆中

飯僧田邑人趙士春撰記畧曰縣治之西偏曰田莊去城四十里萬曆間里有好事者建菴以奉佛頃歲兵燹水潦居僧

告飢而去今有楚中湛白上人慈悲接物以舉廢為已任賴有里中馬君勸緣自誓於佛願捐田畝界菴居者歲收其入

以奉香火奚浦庵宋紹定中僧明堅永福庵亦紹定中建明永

修並在奚浦

香山寺在顧山上俗稱梁大同初建寺舊有山茶一本極茂盛今山門已圯大銀杏猶存

天台寺在楊尖梁天監中為觀音教院宋政和中重建僧利淵講天台

常昭合志稿

卷十六

寺廟

七

教於國朝康熙初僧純修修乾隆間里人席永世重修寺

有貝葉番字經一百八頁趙士春有碑記在殿內

晏林庵舊在顧山之東宋紹興間杰文翁建里人范樂善等移

建大河里姚志云在顧山東言志云在虞山西僧照塵云今西鄉有此寺鴻文近訪知即徐偃王廟也

東水庵在大河元大德間建

西大河觀音堂明初里人秦氏建錢志萬曆中售與人大士示夢過客備價贖之得不費

雲慶庵在苑山上元泰定中僧普明建明嘉靖中里人顧大棟

建石塔名日報親塔鈞濟小志云大棟無錫籍父與清素饒財官於楚大棟豪侈無節產漸耗懼父

歸譴責因造塔藉口報親以悅之塔高約三丈

按鈞濟渡舊志有大師庵明嘉靖中建鈞濟小志云里人衛鑑及子沅澍修庵置田庵有古柏

孫聖庵在大義橋西

名龍李庵

元大德間建

國初僧寶徹修

朗城庵在小義橋西宋紹定中僧傳心建

按舊志朗城在邑東南南名未審何因

按西鄉佛寺舊志載有觀音堂

宋嘉熙中邑令王燦建

支聖菴

姚志云久廢

並在潼莊 良福庵在船底橋

乾隆間尼達性募修兼置庵田有碑

妙清寺在莫城陳禎明六年僧宗梵建明洪武初僧宏道重建

永樂中僧信允修姚廣孝撰記

記文畧曰妙清寺在常樂縣其地曰莫城去縣二十里按

郡志始于陳禎明尚梵法師所創也其東則昆承湖其西則劍里寺居於中茂林清渠幽寂遠闊宜釋子晦藏乃甲乙授受迨今八百四十餘年中間廢興不一無傳記碑刻可考元季毀於鬱攸洪武初僧虛遠始創普賢殿尋示寂允公繼之適清理佛教歸併僧徒僅五百指立為叢林允命其徒純智徒係法罔等募緣重建觀音殿內外山門前無錫華藏寺住持守真視允為師祖永樂收元捐衣鉢塑觀音大士及四天王像九年即造般若華嚴涅槃寶積四大部經函藏於觀

常昭合志稿

卷十六

寺觀

天

音殿徒曾遠盜裝塑十八羅漢於普賢殿凡棲眾行道之所皆以次完具真以狀來請記于石于住慶壽時真在弱齡腰包行步不憚三千里來依數月念親而歸其為人老成謹厚學行兼美湖海縉素之士皆敬信之往來吾門有年矣故不辭而為之書寺舊有鐘泛海來迎歸于寺無年月可考惟迎鐘塘至今存焉併記于末云

寺有佛影名至今尚存每遇陰雨石即現大士像及鸚鵡影

崇福庵即捨宅庵宋蘇姓捨宅所建故名

今其河亦稱捨宅河地則直名捨宅譌舍

澤 在昆承湖南明正德間修邑人錢仁夫撰記

記文畧曰昆承湖南有僧

寮曰崇福肇自宋嘉泰初里人蘇氏捨宅為菴奉佛供僧以資冥福因以崇福名而鄉里則以捨宅菴稱焉嘉熙中僧宗亮因舊再新國朝洪武三年僧微妙與徒道果給有戶帖承樂初僧處琳道勤又拓大之宜德初僧正英赴京請度未獲以儒書訓蒙從者日眾積衣食之餘雕裝三世佛像乃得度橋歸崇奉成化收元與其徒德觀孫守真謀曰舊居偏仄卑陋無以揭虔爰靈且欲便於水陸道場折旋升降遂捐資購材創建正殿三楹規制整嚴於中崇奉三世佛像長鐘磬鼓

禮拜讚揚其
用心亦勤矣

國朝康熙二十二年里民桑氏重修

羅墩庵在羅墩

姚志稱鳳凰庵

宋元祐二年僧妙律建乾隆間里人季

天祿重建

增福禪院在鄔邱山下宋端平三年僧無瑕建明萬曆間僧圓

照修 國朝順治二年僧雪濤重建光緒年僧空異又募建

法華庵在助城梁天監年建宋咸淳間僧海甯重建明末增建

水月閣

太倉王時敏題額

國朝康熙間僧靜照修同治年兵燹後

僧蓮勝募修

庵為巖支甍及顧亭林讀書處

按南鄉佛宇舊志載有淨慧禪院

舊名仁王院宋開寶中鄒知遜改為寺大中祥符元

年賜額改今名後廢明初僧行誠重建改為練塘寺

施水甘露院

宋淳熙六年建

並在練塘

常昭合志稿

卷十六

寺觀

五

吳塘接待院在吳塔

宋建炎中僧顯師造淨圖未就而卒乾道初僧懷果就址建院周甫撰記文曰

姑蘇距常熟百里界於中曰吳塘建炎間有顯師者造淨圖七級不克備而亡歲久且剝蝕乾道初有諸氏發大勇猛烈塵網以為僧曰懷果因其舊址崇飾塔廟薙草萊以迄于成一椽一瓦皆手自厥慨然念曰吾徒之往來者無所供其困

乏始議所以為接待院以居焉慶元丁巳不幸不設有嗣正妙之精進心而為佛事視師有加焉今居像有廬說法育堂合徒有室鳴鐘有樓函經于藏崇啟對峙金碧絢爛寢寢大備矣雖然物之興起也有時當果間之造始也無粒粟以資其徒于是有戴氏崇者割膏腴以胚胎之其子宜又以克大先人之志未幾而沈氏華氏復相與助其美以濟其不逮然則是刹之興起也其明萬曆三年鄉人姚鍾就其廢址建真機緣幸會豈偶然也

武堂 時親庵在平壘

元至正間僧心鑑建

雙觀音堂舊志止云南

鄉 明初建兼祀邑令段然

圓應庵在潭蕩新莊

宋開慶間僧安山建

馬驚庵

本名廣福禪院其地舊名馬驚湖見水道志

在馬涇上

宋嘉泰年建明洪武間與報慈院同併入妙清寺

國朝乾隆年僧明印設今存廢址又報慈院宋嘉泰中亦在

立講堂咸豐同治間毀僧思恩建

馬涇久廢時思庵在鄔邱東山涇上宋紹興謝堰庵在

唐市南崇古庵在橫涇乾隆中建

明因禪寺在支塘鎮梁天監四年建名永昌唐乾元中廢咸通

間復建為再昌宋大中祥符初改明因禪院熙寧間為神寺

縣尉陳于撰記記文畧曰常熟縣東雙鳳鄉有村曰支塘有

符政元始易今額至熙寧六年遂為禪寺土不變壞人明永

不改聚而名目之不同者時異事異實亦尊佛而已

樂元年僧慧觀重脩旋廢後人就其遺址建集慶庵國朝

道光間里人趙允懷於荒基得唐人書明因寺石經幢詳金石志

二截置庵中咸豐十年毀同治間允懷子金振重建庵支溪小志

常昭合志稿 卷十六 寺觀 三

云集慶庵祀清源妙道真君

袞親崇惠寺在支塘鎮之南宋僧日東建政和七年賜額南渡時

後葬吳縣境明永樂中僧惟敬修崇禎七年僧祖印建山門

國朝康熙三年僧敏功重建大殿其後僧袋峰恢拓寺址

重闢山門西方殿久為汛官所踞置飯僧田寺有宋鐘一咸

豐十年毀光緒二十二年里人許芝瑞同僧道明募修

法城庵在支塘鎮俗稱地順治間僧瑞峰募建乾隆初僧接三

重修里人王應奎撰記記文畧曰法城庵隸支川而瀨白茆

右隣闔閭左掖平疇不離市廛而爽塏自具先是順治間有

瑞峯上人者為金沙戴氏子避難祝髮雲遊至支川樂其風

土迺募建是菴以為棲止山門前揭殿舍正中左廂右廂兩

旁夾鐘寢廬庖福各以序為比闕再闕而次第歲上庭前四

松對樹殿後為竹環植居久之上人示寂其徒稍稍散去住持乏人菴遂侈剝不拾越二十年丁酉而其孫接三克繼祖師之緒力任重修繼又用青烏家言移山門於右角而垣其左方以障衢路殿宇內外無不改觀丐子一言以示來者接三名某俗姓張氏即支川人

按舊志支塘又有復興庵元大德間建

吉祥庵在梅李鎮舊志云在王巷誤月河橋旁吳赤烏年建後

代重修易額為赤烏古刹道光八年光緒五十八年里人兩

次修葺此吾邑佛寺之最古者鄧志云曾屬智林寺

勝法寺在梅李鎮唐元和中閻將軍捨宅建舊志云閻將軍為寺伽藍神極靈異

有攜家以居者必見蛇虺在篋席間寺之東乾符元年置為

離火宅寺晉開運中改為境靈宋大中祥符元年賜今額至

常昭合志稿 卷十六 寺觀 三

和初更為禪院嘉祐三年邑人陸綰撰新十方記記文畧曰勝法寺唐

元和中閻將軍捐已宅而為之處邑境之隅直闢閭之北山

岡環然林木秀出凡居人信施之歸目之福地先是其徒星

居謂之律寺至和初有寺僧以稔惡刃人於其間敗焉致之

于理邑幸中都桑公病其他習以為常始議十方之名請更

為即符於邑從民欲也 崇寧二年僧道淵建轉輪藏殿葉

夢得撰記政和五年作後廢明嘉靖中僧於故址募建歲久又圯

國朝康熙間僧行法重修吳元穎撰記寺西北隅有洗馬池池側有小豕相

傳葬將軍劍甲之田乾隆六年僧際月修令韓桐撰齋田記田

二百餘畝遭粵寇毀今存破屋數椽

梅林東塔院在梅李鎮之東宋紹興間邑人錢道者建浮圖七級名曰聚沙塔相傳以鎮潮水沖激國朝乾隆六年修三十一年里

人鄧氏兄弟三人集捐修塔令康基田撰記遭粵寇毀惟塔
僅存近益殘破

法林禪院在梅李鎮本名崇福庵元至正中建 國朝乾隆間
重建置常住田易今名博士官如洙撰記光緒十六年尼祖
興重修

按梅李鎮今有斗維庵 光緒十一年重建 準提庵 在胭脂墩同治九年重建 雨花

庵 光緒七年修 又附近有寶善庵萬善庵 並在珍門廟 地藏殿 在沈市 壽

聖庵 在董浜明末里人吳忒捨宅建光緒二十六年重修 藥師堂 亦在董浜 圓通庵 在周涇口 蓮

花庵 在白宕橋光緒十九年重建 惠濟庵 在金家灣光緒十七年重建 南靜室 在深曹涇北

靜室 在靜室巷 摩訶庵 在問村建自宋代雍正間僧維明重建同治十三年里人公修 普善庵 在趙

常昭合志稿

卷十六

寺觀

三

市同治初里人王增修光緒間任姓又修 永甯庵 亦近趙市 淨土庵 在先生橋道光八年重建光緒十九

年里人重修 香山庵 在羅木墩 並院宇無多舊志不載

智林教寺在李墓 舊志云寺舊在岡身相傳鐘聲不聞於近而聞於李墓一方遂徙寺於此舊寺旁行涇尚

名寺 明萬曆八年邑人徐栻重修 國朝康熙四十九年僧

智燈與里人花景瑞建天王殿乾隆二十四年里人又修 舊志

記齋田二百五十畝里陸小志云新捐四百餘畝按寺有宋成清火蓮碑記僧道一茶毗事見金石志

按舊志李墓又有崇祖利濟庵 宋端平中建

法解寺在許浦鎮唐會昌元年里人陸殊等舍地為寺 舊名泗洲塔院

宋隆興間李寶重建 國朝康熙九年僧行法重修

按舊志許浦又有壽聖晏安禪院 陳禎明三年建宋紹興二年僧智通建鐘樓 久

廢 福田庵

宋治平間僧雪山建

太平寺

宋時建其西岸即水軍寨遺址

亦在許浦

崇壽庵

宋端平中僧道殊建

澧湖庵

亦端平中建

如存院

宋咸淳中僧道腴建

報親庵

元元統間建

均在白茆塘觀音庵

元天曆二年建

在白蕩千佛庵

明萬曆間僧古

曇建有銀杏一株傳是宋代所植

證果庵

毀於粵寇尚存基址

並在許浦

長壽庵在五渠鎮

舊志所無

按舊志五渠有普門院

宋咸淳間僧真辯建

臥龍菴

未詳所創

最勝庵在老吳市順宿間婁東沈仲一建康熙中僧青雷修

九里庵在九里村元至正間建明嘉靖中徐東谷同僧修

石墩庵在石墩村明萬曆間建

杜相庵在唐浦宋治平間建光緒年里人集資重修

地名廟前

常昭合志稿

卷十六

寺觀

三

按舊志有何許庵在何家市常慶庵在蘆瀝村

元至正間僧永祥建

法甯教寺在東花莊宋端平三年僧如瑤建釋居簡撰記

今殘破

曹溪庵在新蕩口乾隆間建

尙墅庵在縣東北三十里元至正間建

蘆荻庵在縣東北十二里元至正間建

按四鄉佛宇舊志尚有桑林報親庵在縣北

宋准熙二年僧本宗建明洪武

間重建成化間僧道澄修又東桑林巷元泰定中建東庵錢志作桑倫

久廢 崇慶庵在下莊

宋大觀中建

妙蓮庵在楊巷

宋宣和中建

餘慶庵在陳墩

亦稱陳墩巷宋

乾道間僧柏梁建

圓福庵在廟橋

宋清熙間僧永壽建

善濟庵在東顧莊

宋清熙間僧泰嵩建

慈福庵在顧墩

宋嘉泰中僧雲祥建

忠義庵在洋澳

宋嘉

泰中 資福菴在姚巷 宋端平中 僧安信建 廣福菴在呂舍 宋開慶 中僧智

建 戈聖菴在戈墅 宋咸淳間 僧文表建 圓通菴在徐涇 宋咸淳間 僧心傳建

慈敬菴 宋紹定中 僧法應建 伍相菴 元大德間 僧修倫建 長壽菴 元至元 中建 統云在

南沙鄉 邵莊菴 宋建炎中 僧善妙建 云在端委鄉 觀音菴 宋端平 中僧皎

月 紫霞觀音堂 宋端平中建 雍正中會修 趙西菴 亦端平 中建 高浦菴 元泰定 間僧如

建 統云在思政鄉 西資菴云在十九都 隆墩菴 元延祐 中建姚

志則云宋 中沙菴 明嘉靖中建姚 志云在小周市 並云在二十都 白馬菴

元泰定 寶善菴 明嘉靖中里人曾玉梁捨地建 順治中會肇甲同僧磊落重修 喜成菴 明崇 禎中

里人曾道生建康熙 並云在二十九都 今訪知地 名曾家灣 沙溪菴

中會肇甲掄甲同修 秀隱菴 並元至 正中建 並云在三十都 崇義庵祝壽庵 均元延 祐中建 並

常昭合志稿

卷十六

寺觀

語

云在三十一都 報國庵 元延祐 中建 云在三十三都 普明庵

元至正 云在三十九都 姚志又云在 二十四區 至近時鄉民募緣新修

寺院並無叢林散見市鎮志中茲不復記 鴻文案同治間修 志設局采訪十餘

年於乾嘉以後守院未嘗增記一竿一刹果布金無其人歟 抑諸君竟未措意也今距兵燹後又四十餘年故老凋零荒

基蕪沒不 可復考矣

以上四鄉佛寺

致道觀在今城內山麓梁天監中 舊志云二年圖經續紀云五 年據簡文碑似在十年後也

嗣真人張道裕建初名招真治 明張博招真治碑跋治者本 道書太上下二十四治付張

道陵法於後嗣後盡立 簡文帝賜玉牒一鐘一為撰碑記 記 治於元都故稱治也

日夫東瀛漾水三變成川西嶽靈桃千年未于尚以星起牽 牛部首迢遞律生甲子氣數杳冥沉復上遊玉清損之又損

高排金闕元之又元豈言象之能詮非時節之所辦海虞縣者則虞農都尉太康置其幸境有虞山越絕書云巫咸之所出也高崑巒起帶青雲而作峯瀑水懸流雜天河而俱會吳門採藥之地楚望槐椒之歌湯反流沙之魂飾紛陰之鼎無以喻焉其峯則有石城石門虛峴自然不度句吳之馬神功挺起豈似岡陵之畫魏后冰城夜陣權息長安慈石浴鐵暫流較跡比期優劣斯遠道士沛郡張君諱道裕字弘真卽漢朝天師陵十二代孫天監二年來至此林棲遁十有餘年夜忽夢見聖祖玉峯下之地面勢閑寂宜立館宇可以卜居裕師潘洪隱始窺四明山無何有人耳長髮短云從虞山招真治來言訖忽然不見潘馳信報君君因辭山舊居而以夢中所指峯下之地卽以爲治故號招真高臺迺立有類玉臺之山長廊宛轉還如步廊之岫柱削芳桂豈俟開陽木飛材選海檀無勞豫章神拔黃庭司命之府有類玲瓏朱陵赤后之觀同符弘敞遠望仲雍則高墳蕭瑟旁臨齊女則哀蘿蒼茫鱗尋千仞之木氣叶星昏華飛五香之草形圖宮室惟葉綬花卷舒蹊逕陽桃侯棗榮落崑崖樹息金烏蒼依銀鳥鳳將九子應吹能歌鶴生七歲逐節成舞旭日晨臨同迎若華之色夕陽斜影俱承拂鏡之暉玉礎微潤騰山雲于高牖天籟徐響引和風于空谷方當專氣致柔入無爲之境周行不

常昭合志稿

卷十六

寺觀

五

殆窮混成之致茅子算歸轍響無已魏姬宴罷出駕不還何止持節變淮南之金傳符薛北鍾之稻明月蛟龍之騎驅之使鬪四鉢七子之鏡引以成刀散李齊之羽起雄鳴之霧而已哉乃爲銘曰玉龜二始金書八會道狹地心功浮天外故常可小惟真能大德起同塵善生塞兌物寶自然人符交泰掩映絲蘿穹崇紫蓋仙治之美此焉爲最雄柱十步陽臺百丈水均下屬山逾高掌野寂雲興琴繁山響斗虹夕西豐雷朝上元陽作石竹龍成杖書藏玉匣藥蘊銀銅燒鉛雜鯉折桂和葱羽衣可服雲駢易通斧柯雖朽碑石無窮 按舊誤爲昭明太子所撰今更正 後改稱乾元宮

宋天聖間縣令胡晏構北極紫微殿上柱國馬莊撰記

記文畧曰

常熟縣乾元宮者卽梁天監二年之所建也誌石詳焉星籊遷緯基址髣髴瓊瑤腐桷鼠鏤蠹耕春草秋蓬蟲營蛇據唯三清前殿巋然僅存丁遠東之始歸尙嗟如故秦武凌之再訪堪歎無規宮之執事者目茲圯壞若炙于心歎檀信之門莫有不移之諸顧寂寥之跡彌堅如在之恭走懷必葺之勤豈逮布新之力有日卽今縣尹司田外郎胡公晏因得鳴琴之暇來訪祈靈之場憇繁樾以釋煩陟層臺而瞰迥巖峯笋拔碧蘿日暮之雲階溜枝分雅雜風中之弄俯視熬波之滄

旁窺曳練之門清音一來俗態俱去而乃環顧隙址爰發善
因謂其道眾日前之尊殿雖繪塑靡完而瞻仰不怠宮之所
闕者惟北極殿焉今則欲議隆興須求幹集乃召監宮崇虛
大師李維簡令以常住田園歲之入者摧其所羨聚而營之
所以上贊瑞圓下福氓隸者也於是材積梗榭匠求鄆郢界
址砥直面勢箕張暨涓吉以上梁忽中程而投夢絳衣義弁
依稀對仙介之容辨色遲明煒煜獲靈芝之瑞雖成遠宇尙
闕靈儀忽本邑南沙有編戶張及者夙植善緣早承儒訓謂
月規之寶相既久藏家仰雲屋之重桴猶虛正座願心彌確
喜舍不回然勝事之欲彰仰冥契之所會是以具威儀而交
錯抵鄉墅以前迎屬之盾日輝威箕風瘁物芳疇雨集徒勞
御史之巡軒積派塵生更擁宓神之渡輓衆心誠豫以方切
一夕滂沱而不期玉女電鮮方對東皇之笑阿香雷響豈必
南山之聲翌日澗澤皆涵方舟倏濟暨迎奉既旋于震邑而
宵晨連霽於畢霖年瑞有期食天無爽得不謂羣誠仰屬而
冥貺昭格者也故使邑人目一勝事邁口咸響家率戶辨猶
然居後及縣尹司田首塑本命星官一尊遠殿主潘維信勤
化衆戶各塑星神侍從一尊以實其殿也衣冠濟濟金碧煌
煌真從翼分宛同于星拱檀龕寶錯若狀于帝車復有本邑
歸政縣陸杲捨錢五萬爲砌階之資刻玉鏤瓊鄗陶仇之運

常昭合志稿

卷十六

寺觀

美

暨峻基宏址得給孤之布金且觀夫使人爲善司田之始謀
也潔己集事殿主之化緣也今也民易化緣易成政在其中
矣豈不出善教所被而道心自然耶忽日殿主自常熟來燕
城訪子閒居語其建殿之始末懇以鄙文見須既不獲遜乃
直書其事以誌歲時云爾 政和七年改賜今額至和治平間主觀李則正

增修殿廊創造山門沈垌撰記

記文曰姑蘇之北有大邑焉
曰常熟山長而水遠泉甘而

土肥民富物庶人樂其業予嘗縱遊觀覽勝地遂登虞山之
巔臨尙湖之濱得乾岡之勢重山復嶺松竹交映隆然祠宇
金碧相照躊躇四顧恍若洞府適有人焉黃冠而羽衣紅顏
而鶴髮杖藜倚梧謂予曰昔漢之天師張君道陵之孫凡十
有二代曰道裕修真之地也鍊丹於此積功飛昇靈跡宛然
至梁天監中始建是宮遂號乾元歲月綿遠棟宇欹側榛蕪
溼沒荒廢寢久吾嘉禾人也生七歲山家學道於崇福宮年
十二試經業預選爲道士後三年習醫術將以救人之疾苦
卜居之志至和之初都官員外郎桑君解出宰是邑因命住
持然宮之廊廡皆圯獨三清殿僅存梁棟顛危不可支許再
方以醫術濟衆人皆以金帛施之哀其醜哉之羨餘出園之

所積增修大殿及遊巡二十有四間軒廡十有六間嘉祐郡人試將作監主簿曹君仲言施錢二百萬塑三清聖像及真人十有五軀吾復建北極殿于北列道院于東治平元年起三門及東西廡各五間二年造三門之東軒凡三間三年造三門之西軒凡三間次第創立艱難僅成豈一日之力哉自是宮宇復全壯麗輪奐邑人得以歲時祈福焉吾嘗於熙和間建崇道宮于秀州修太和宮于蘇州興造常熟僧尼寺三所大橋四所立夫差廟於縣之西立勾踐廟于縣之北至于一邑之橋梁街道以便人之往來者莫不興修焉時或施與以濟貧民蓋不可盡記吾今老矣得以優遊山林以盡其天年何其幸耶予壯其言乃知興造之本末因問其姓氏曰姓李氏名則正蒙恩賜紫衣今年八十三歲矣是宮李君之功爲多自非有志于道經營刑制不憚其勞安能若是哉因以書之告諸後人崇寧五年歲次丙戌正月望日 元延

祐間知州王英修葺明洪武初道士周元初募建三官殿其後道士孫湛然及徒顧雷復相繼修葺林大同撰記記文畧曰招真

治改乾元宮又改致道觀逮元延祐間高士秋谷蔣公營別業于觀東巖崖峭壁間窳殿飛軒雲堂文室丹堊藻麗金碧

常昭合志稿

卷十六

寺觀

寺

交輝恍若蓬島鐘磬步虛之聲晨昏與致道相應因請舊額爲招真院俾之甲乙流傳暨聖朝洪武辛未欽依歸併致道而別業遂廢羽士湛然孫公與徒弟雷復顧公嘆曰斯實吾祖闡化存神之地而坐視其業之漸盡豈子孫繼承之道哉相與傾瓢笠之儲經營相度得煙霞之窟于觀之西舉起廢之力于艱虞之際以復其舊雷殿斗祠雲房方丈暨門廡庖

福之室輪奐一新 前有坊曰虞山福地舊係繆貞篆額石闌夾道上爲觀門

元統初道士歐陽一中所造山門龍虎二神知州王英子志仁所塑盧克治有記 門側有張與材書

真風殿石刻見金石志門內爲虛皇壇植七星檜言志云相傳是張道裕神力所

移今尙存其三餘則未慶歷中補植沈周曾繪三株圖按龔志云在西北者尤奇偉東南者一本二株頹然蚌結東北者森而端俱梁代遺植餘則慶歷所植也今俱無 壇北大殿曰金闕寥陽榜曰鬱羅蕭

臺傳是梁代遺構後即紫微殿今名星宿殿再後爲彌羅閣閣後有丹井

宋濂撰銘文曰海虞有虞山梁天監初漢天師十二代孫張道裕來隱其下建招真之治鑿丹井焉宋清熙中

道士李則正浚井得藏丹石感啟之化爲雙紅鶴飛入尙湖
至今湖中丹光煜然邇年井且廢莫知其所周尊師元真窮
日力尋獲之重加以登構亭覆其上時皇明洪武元年也然
仙家煉丹必以井故名山多有之其在海虞者舊廢而今治
豈元學復興之徵歟銘曰太陰委精自天一融而爲液養萬
物神丹溶溶赤如日有夫元巾發我室雙禽衝霞飛狹狹懸
泉重噴甘逾蜜飲焉壽與天

地畢 按井舊有亭久廢 關東郎三官殿又有土皇殿 卽
雷部 聽松堂元陽靖雷部殿 洪武開孫 古檜堂大乙殿 永樂
殿 常明建 中李

本中 簀衣真人祠 真人姓何名中立胸山人宋時 西有四聖
殿 林復 江東神祠 江西通志神姓石名固賴人生於秦代漢
真建 兵擊南粵神告以克期遂廟祀之有靈籤

石碑見 李烈士祠 詳壇 監生娘娘殿道士環觀而居舊志載
金石志 廟志

東北有棲雲堂 道士鄭 西北有來雲堂 林復 又有攬翠樓 正
心淵建 真建 德

中令許崇道建於來 莞爾亭 在來雲 凌虛樓黍珠室嬾雲窩
雲堂左楊循吉撰記 石上

二處皆李丹邱所 凌虛堂 琴川志在觀 知止山房 元泰定間
居林大同撰記 西北嶺上 鄧道樞建

品泉亭朗吟亭 林復真建邑令傅玉良撰記文畧曰由丹井
東北躡崎嶇行百餘步松蘿叢翳中有磐石

坦然坐可容十餘人而下見昆尚二湖與琴川諸水紫帶澄
映色逸民涵虛叟金彥銘嘗借開封府使仕訓導樂閑翁林

逢吉游息於茲因誦呂純陽朗吟飛過洞庭湖之句快然有
愜於中乃謀作亭石上未果後樂閑翁子道會止菴剛伯涵

虛叟子叔美用與登高訪古慨然念先志之弗就捐貲鳩工
落成於永樂丁酉二月遂取二翁所誦純陽詩之義而扁之

日朗 煮石山房 在朗吟亭西邑令楊 今均無遺迹嘉靖萬曆
吟亭 子器建桑悅撰記

間邑人巖訥錢岱累修 國朝爲官員 朝正祝釐之所康

熙間郡人慕琛修乾隆二十七年邑人屈成霖重修咸豐十

年毀惟存紫微殿及山門一層牌坊一座光緒年陸續修葺

雷部殿土皇殿 殿西奉雷神故亦名後雷部殿 聽松堂 奉華
殿東供蛇王前層左室供龍君 元化

常昭合志稿 卷十六 寺觀 美

常昭合志稿 卷十六 寺觀 美

常昭合志稿 卷十六 寺觀 美

仙師餘未及葺何真人江東神並五十九年道士募於斗姥閣

致和觀舊名至和道院在西門內今地名宋咸淳中道士應錫

智建陳仁可撰記記文畧曰梅所應先生世習儒業家台之

仙窟宅也先生清淑所鍾長身美鬚鬚儼然風塵表物成清

間知常熟乾元宮畫符呪水呼風召雷道法益行暇日竟囊

中有市邑西民屋數間營窳宇像靈馭因慕玄真子之高風

積寸累買田若干予觀先生赤手成觀殆欲與凌虛丹井之

仙蹤招真竹林之勝槩鼎立而儷美顧不偉歟先生諱錫智

梅所其自號也予與先生同元大德間王大成錫智增拓之

里客亦同郡故知其事為審分西為老觀中為中觀東為小觀鄧

常昭合志稿 卷十六 寺觀 堯

建殿宇道會林復真建三清殿及山門觀後隙地為鄰所侵

成化間道士暨一誠復之 國朝雍正間道士吳姓修葺建

斗姥閣邑人陶正靖撰記記文曰致和觀在縣治西後別為

今三四百年有棟榱屋壞之變焉嗣法者吳氏懼無以妥神

祇而承先烈也蚤夜惕若諏於介衆鳩工庀材修復三官殿

以雍正七年落成吳氏曰未也維斗姥為吾法宗主其像未

獲安處非致崇極之意殿之後幸隙地爰建樓以禮像設

且為鍊性靈幽之所蓋經始乾隆四年力絀緣艱越二年乃

克竣事使其徒顧氏克泉來言始末克泉子故人子也予惟

士託跡方外捨離塵俗然而世及為禮堂構為重未嘗不與

俗同若其廢興隆替之跡則繫乎人與其時邑在前明中士

大夫構園亭第宅連綿竟術相誇勝推及于琳宮梵宇揮斥

千萬畧無靳惜迨季年則少變迄於今則愈變其間精心計

者不足當前人百一亦僅用自完無以及物而故家世守鞠

為茂草者多矣况方外之無恒業者乎嗟夫邑之土地倘是

物產猶是其策高足而據要津者較曩時未嘗少變也昔以

見羸維持廉者亦羸今以見細雖恣取者亦細豈有數存乎

其間耶抑其羸也由化之污其細也乃以彰化之隆耶將蚩

蚩者實繁寤寐媮生雖羸亦易細耶於斯時也能以細為羸

無隳前規而恢廣之君子以為難求諸方外如吳氏者未易數數然也乾隆癸亥夏五記 鴻文案此文於吾邑三四百

年間物力之贏絀可見大槩故備錄之 嘉慶間道士薛通信建魁文樓嗣日就

傾圮咸豐兵燹後僅存屋數椽賃為茶坊今漸將湮沒矣

乾元宮在城內山巔辛峯之右宋元祐中海陵徐神翁弟子申

元道建初名竹林庵庵前有雪井 元道所鑿 紹興丁卯道士喻抱

元增葺改名招真康舉之撰記 記文畧曰修竹橫抹隱見於兩峯之間其中有招真庵道

人申氏基營於此庵成亟去不知所終通州道士喻抱元增治之舊名竹林至是更以招真 淳熙間邑人

請於郡用致道觀舊額改為乾元宮 舊志宮門至西山址路磽确有道士胡道堅募

磚甃砌壁如白練界山彬家以為不宜邑人趙公豫於山腰建半山亭以厭勝之 元末廢明永樂初

林復真重建老君殿嗣真人張宇初撰記 記文畧曰乾道間改庵曰招真治平

常昭合志稿

卷十六

寺觀

學

尚改曰乾元宮泰定甲子練川道士喻抱元復新之三清殿

三間兩廡悉備左視中天大神又左像太乙慈尊右祀玄天

上帝又右祀祠山大帝元季就祀高士林剛伯于永樂二年

住持富事乃募金新立元老甘殿 鴻文案治平在乾道前

泰定乃元代年 號此碑不足據 國朝康熙初建呂仙閣於宮之右并祀松仙

鐵志松仙佚姓名隱天目山嘗憩松下因指為姓每示靈異於虞山人土故祀之按鄧琳虞鄉志畧云傳聞瞿忠宣將赴

粵西任謁松仙于湖州山中仙授以錦囊數封諭臨危始發發則事皆預定則松仙係明末人 乾隆間屈成

霖重修邑人又公建祠山大帝殿祖師殿於宮前咸豐十年

毀同治光緒年間重建 報本道院在迎仙里西 今名報本街 建自宋季元至正間邑人周某

佚其名天歷間官宣政院參議其夫人徐亦樂善曾砌市心街以便行人見龔志 捨地增拓以奉真

武並撥田租以贍道衆延乾元宮道士陳德玉住持明成化

九年邑人陸士芳重修張懋撰記

見金石志

國朝康熙乾隆間

里民增建斗姥閣文昌閣

今與總管廟合并

壽昌靖在東太平巷梁嗣真人張道裕建三十六靖此其一也

明永樂間里人張守菴葺

國朝康熙六年沈萬育重修

舊志

內有一井相傳天師符救劉元帥降神非人力所繫

今為尼菴

按明末已為尼菴故盧鶴齡寓此

沖天廟在寺南街正對慧日寺奉真武像建年無考同治年修

光緒年道士錢洞真又修今僧人居之

按城內道院舊志載有集福經堂在縣治東北

相傳唐人供佛於此宋周

孝子之孫道信增闢修鍊其中明永樂間重修正德間再修陳襄撰記

後改為尼庵俗稱北經

堂今廢 三元堂在言子墓北

宋元祐間道士劉通建明永樂元年道士殷道全正德間

常昭合志稿

卷十六

寺觀

聖

道士謝玉成再建 國朝乾隆二十六年里人張大臨道士孫逸人拓地建斗姥閣咸豐初重修

毀於粵匪

遺址尚存 靈寶經堂在南市東

元至正二十六年建云是董參議恰宅明初里人陳

彥昭就其址構屋四楹奉真武像於其中誦靈寶經因以名其堂張著撰記後道士顧延齡重葺之正嘉間邑人葛邦典徐斌等二十一人會文於其中因奉文昌魁星塑像中之名曰顯文祠并捐川為費鄧載撰記 後改為尼菴

稱南經堂

街即名南經堂

今改建儒寡局

以上城內道觀

報國院在虞山拂水巖舊有真武廟里人褚應韶建明嘉靖中

世宗以泥金彩繪斗姥及真武像各一軸賜巖文靖公公不

敢褻供私家購地建院以奉真武院成敕賜今名俗遂稱拂

水巖上為祖師山

張應遴虞山勝地紀畧云正殿榜曰大羅天子幼時及見其覆琉璃今易以常瓦矣

大士定光碧霞茅君諸殿分列左右自春迄初夏大江南北諸郡士女畢集焚香膜拜香稅所入佐縣官之急歲不下數百緡今稅已裁革

國朝順治間嚴斌修康熙間斌孫虞惇重修訖

隆開虞惇孫有禧又修今併入藏海禪院

初院中並藏道士住持由嚴氏家屬

看守監收香稅自香稅裁革後遂歸藏海禪院僧人帶管

佑聖道院有兩所初宋乾道間水軍都統制馮湛建道院於許

浦鎮北奉真武神

按真武即元武始見曲禮史記天官書曰北宮元武索隱引文耀鉤曰北宮黑帝其

精元武唐開元禮四季祀五色帝於四郊其祀黑帝以元武七宿從祀元武列祀典始於唐婁曼鈔云祥符遊聖祖諱始改元武為真武後興醴泉觀得龜蛇道士以為真武觀繪其像為北方之神披髮黑衣仗劍踏龜蛇自後加號鎮天佑聖此似為真武別立廟祀之始明史禮志宋靖康初真武神加號佑聖助順靈應真君馮湛建院在靖康後故初稱真武後人即改稱佑聖後為江湖侵齧淪入江今一所在許浦鎮東南

常昭合志稿

卷十六

寺觀

聖

七八里居周涇口碧溪市之間地名道院涇

宋端平元年都統制吳英重建縣令

王爚撰記

見金石志

今存院宇三層

修葺年代姓氏均無可考舊志謂初創在周涇口嘉定間

遷於許浦非是

又一所在東徐市

俗稱三官堂

元至順二年道士席應珍

里人徐立遷建知州班惟志撰記

記文畧曰海虞東五十里李塘新作佑聖道院蓋里

中徐君所遷也初君之父母夙事元帝父母既沒思嚴厥構以安神棲會許江佑聖院為江禱所齋至順二年遷於所居之東二矢而近擇道士有德者館之席君實領焉君兄弟三人皆名立次元次瑞互詳金石志

間林復真重建萬曆初殿災而法座未焦里人朱瑋等重葺

王穉登撰記

國朝乾隆間里人募修道光中里人顧恩又

修今亦存院宇三層

願真館在梅李鎮宋元祐中申元道建有鍊丹井

舊志云與虞山招真福山

潛真爲三真攷招真治係張道裕所建招真庵係喻抱元所建均與元道無涉今潛真館亦久廢又舊志云頤真館明正統間里人居守約遷建於白茆塘龔志云遷至四圍距白茆塘六十步桑志又云已廢攷居守約所建爲今之白茆嶽廟而梅李之頤真館至今如舊也

又明正統間道士周元真募建三官殿附立徐拭祠兼奉嶽帝亦稱頤真宮舊有嚴拭書東嶽行宮額國朝康熙間重建

毀於粵寇光緒間里人鄭仁植黃宗城等集貲重建

龍旋涇真武堂俗稱龍旋宮在虹橋南俗名帝堂頭距梅李鎮六里清水港內宋清熙

間建鄭碑清字未泐陳碑亦有清熙二年字可據至邱碑謂清熙甲申則非也攷清熙無甲申年元至正

六年道士錢祖陽等修鄭東撰記記文已泐畧云昔有神龍旋時有光怪民廼設北極教主神位以鎮之光怪果滅民廼無患云云廼相與鳩工庀材作堂塑神名其額曰龍旋涇帝

堂明嘉靖十五年道士陳守潔等脩陳寰撰記碑已泐畧言是堂鎮孽龍

常昭合志稿 卷十六 寺觀 聖

而消明末里人陶大遠等集貲又脩邱之倚撰記記末畧宏光元年中

述宋高宗南渡云云與鄭陳兩記不合至元雲四集羣龍繞庭等語尤無稽不足爲據國初里人陶

紹元又修歸起先撰記記謂堂係元至元中創建似失攷

瑞真道院在支塘鎮創始無考明時曾爲尙書行府督治水利時

國朝康熙二十五年道士錢金玉修左爲城隍廟其右舊有明前令王公鈇祠今廢

履誠道院在歸家市右偏奉周孝子亦名大周神廟創始無考明末毀國朝

光緒七年道士錢洞真積經資五千元重建

思政鄉元武祠在歸家市距履誠道院西三百步元末毀明初修嘉靖間

里人歸椿及其子雷重修崑山顧鼎臣撰記文徵明書國朝光

緒年重建

普明道院在塘橋

梅李鎮西三里

嘉慶間道士周仁益募建咸豐間毀

同治七年道士吳雪坡募建光緒二十二年道士孫瑞榮偕邑人葉金榜增修

伏魔道院又名篁笏廟在陸家市

梅李鎮東八里

咸豐間毀光緒九年

道士顧益甫募捐重建

其東建祖師殿

廣福道院在沈家市

梅李鎮南六里

有前令勞必達顧額中奉李烈士

屢著靈應粵逆有犯之者立斃兼奉土地神曹王

故亦稱曹王廟

附祀明代先醫山先生

姓山名裕明行六人稱六先生金壇人沒後猶示應愈人病

雷尊殿在梅李鎮

乾符石幢今置其中

創始無考

他如董浜等處尚有不具記

棲真道院在西周市

舊志云棲真道院在許浦宋嘉定五年周智靜建元時道士管元範遷於縣治西南

常昭合志稿

卷十六

寺觀

器

今無攷此棲真道院不知即許浦之舊基否舊志許浦又有崇真道院宋紹興三年都統制劉震建嘉定間都統制吳英改建升為洞晨觀後遷於支河浪夾浜明嘉靖十年里人吳信重建今亦無攷傳志又有崇福道院云在三十四都道士尤虛中建亦不知遺址所在

東湖道院亦名三

在南湖

又張家市有三清殿四湖又有三元堂何家市有上真殿問村有元帝廟

嘉凝道院在歸家市

亦奉嶽帝

火師廟在東徐市

別處尙有不具記

以上各鄉道觀

按舊志道觀記載寥寥且多湮廢者今特采訪增輯又道會司單開有萬安道院查

即係唐聖之州神廟因建在尚安橋塊故名已見壇廟志茲不錄入